



Maniitsoq 20. august 2015
UKA2015/105

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Nuna tamakkerlugu ikiaroorntoq hash-ip akiorniarneqarnissaa pillugu iliuusissamik pilersaarummik UKA 2016-imi Naalakkersuisut saqqummiussaqaqqullugit Inatsisartut aalajangiiffigisassaattut siunnersuut.
(Inatsisartunut ilaasortaqaq Mimi Karlsen, Inuit Ataqatigiit)

Tunngavilersuut

Nunatsinni hash-ip ajornartorsiutaanera maanna ukiorpassuarni ilisimaneqarpoq, akiorniarlugulu iliuuseqartoqartariaqalerluni.

Nalunngilarput inuk ataaseq hashimik ajornartorsiuteqaraangat ilaqutariinnut tamanut, inuiaqatigiinnullumi tamanut sunniuttartoq. Sunniutaasullu ajornartorsiutit kinguaariinnut ingerlaqqissinnaasartut nalunngilarput.

Illoqarfinni innuttaasunik, politiinik napparsimavinnilu sulisunik ataatsimiisitsillutalu oqaloqateqartarnitsinni hashimik atornerluinerup annertusilluinnarsimanagera erserpoq. Allaallu napparsimavinni sulisuniit ikiaroorntumik atuineq pillugu imaattut apuukkusunneqarlutik:

- Meeqgerisut meeqqanik atugarlioraluttuinnartunik nassaartoraluttuinnarput.
- Ikiaroorntumik pinngitsuuisinnaanatik naartusut takussaalerluttuinnarput, meeraannik arsaarinninnerit takussaalerput.
- Ikiaroorntut ukiukilligaluttuinnarput, taakkuuppullu ikiaroorntunik angajoqqaallit imaluunniit meeraanermi sumiginnaganikut ingerlatitseqqiisut.
- Angajoqqaat ikiaroorntut meeqqat pisariaqartitaannik takunnissinnaannginnerupput.
- Juumuut arnanik naartusunik ikiaroorntunik nassaartoraluttuinnarput.
- Venerea kinguaassiuutsitigut nappaateqalersartunik ikiaroorntumik atuisunik nassaartoraluttuinnarpoq.
- Psykoterapeutit, oqaloqateqartarnikkut ikiaroorntunik nassaartoraluttuinnarput.
- Sulisut akornanni ikiaroorntumik atuisinnaasunik ilisarnaatilinnik pasitsaassinnerit amerligaluttuinnarput.
- Ikiaroorneq taamaattussaannartut inuiaqatigiit akornanni isigineqarpassinera annertusigaluttuinnarpoq.
- Tarnimikkut napparsimasut inuusussigaluttuinnarput (hash psykose).

Inuup ataatsip, ilaqutariilluunniit hash-mik pinngitsuuisinnaajunnaarnermik nappaateqaraangata sorpassuit sunnerneqartarput. Ilaqutariit napatitsisussamik amigaateqalersarput, suliffeqarfiit sulisuminnik annaasaqartarput aammalu meeqqat toqqissisimanissaraluinik paaasoqartarluni.

Assorsuaq angorusunnassagaluarpoq alkohol politik-kitulli suliffeqarfinni Hash politik-keqalernissaq.

Nunnatsinnut iluaqutaassaqaq iliuusissamik pilersaaruteqarneq. Pilersaaruteqarnikkut najugaqarfiit, ilinniarfiit suliffeqarfinnullu kajuminnarnerulissaaq hash-itunnginnissamut politikkiornissaq. Najugaqarfiit, ilinniarfiit suliffeqarfiillu pisortat suleqatiginerisigut anguniagassalinnik ikiaroorartoq akiorniarlugu pilersaarusiorsinnaanerussapput, amerlanerillu atuiunnaarnissaminnut katsorsartinnissaannik kajumissaarnerusinnaassallugit.

Kissaatiginarpoq ikiaroorartoq akiorniarlugu iliuusissamik pilersaarusionermermi katsorsaaviit, peqqinnissaqarfiit, kommunillu katsorsaannissamik periarfissaqartitsinissaat atorluarneqasasat.

Pisortanut aningaasaqarnikkut allaffissornikkullu kingunissai.

Suliniutissat pilersaarusionerat aningaasartuutitaqassaaq. Naatsorsuutigineqanngilarli aningaasartuutit ukiumoortumik AC-mut aningaasartuutaasartut sinnerumaarai. Aningaasat Ilinniartitaanermit Naalackersuisoqarfiup kiisalu Peqqissutsimut Naalackersuisoqarfiup massakkut missingersuutaanni nassaarineqassapput, suliaq taakku Naalackersuisoqarfiit suleqatigiillutik suliarisussaammassuk.

Namminersorlutik inuussutissarsiortunut aningaasaqarnikkut allaffissornikkullu kingunissai.

Namminersorlutik inuussutissarsiortunut aningaasaqarnikkut allaffissornikkullu kinguneqassanngilaq.

Innuttaasunut aningaasaqarnikkut allaffissornikkullu kingunissai.

Innuttaasunut aningaasaqarnikkut allaffissornikkullu kinguneqassanngilaq.